

皇明經世文編

皇明經世文編卷之二百七十二

華亭

徐孚遠闇公

陳子龍卧子

編輯

宋徵璧上木

徐畝彩聖期

徐銘常成紀參閱

章中丞奏疏

疏

章煥

禦倭疏

禦倭

倭患之熾其原不在外中原之雄威爲之謀主也。土著之奸人爲之嚮導也。窮民爲之役使也。有是三

者然後能深入長驅。唯所適而莫之遏。今軍興且四
年矣。庶務艸創。法守未明。議論叢生。事端替亂。臣謹
條其未安者八事。古者兵將相習。教戒素明。乃可赴
敵。今軍門督撫分圖列旄。下文武庶僚紛然。衆建然
皆空名。有將無兵也。將佐雜居。諸軍烏合。加以南方
素不知兵。軍政久弛。其視諸將弁髦也。諸將之視郡
縣傳舍也。兵將之相視途人也。如是則其赴戰兒戲
也。此統兵之制未定者一也。夫將無號令。與無將同
兵無約束。與無兵同。故平時之節制。卽臨陣之紀律。

也。今諸軍目不覩軍容耳不聳將令。有急驅之不能卒集。朝而遣日中不至。晝而遣日晡不至。臨陣而逃。轉相劫掠。或殺軍民報功。甚者為賊內應。陵夷既久。漸成亂階。因循則威嚴愈衰。矯正則他業易生。此馭兵之亂未定者二也。調至土兵。賊頗畏忌。然亦曠悍難馴。夫以苗攻倭。猶以毒攻毒。是在上醫國手。劑量是時征倭仍收功于諸將不收功于土苗也斟酌對証而攻。病去即已。今既無鼓舞之方。復無調停之法。事急則倍賞以招徠。勢緩則厭弃而生怨。此調兵之制未定者三也。分道募兵。不按名籍。游手無

賴艸竊干命。悉入穀中。及至而茫無統紀。聚散無稽。

威少保募兵不用游惰之人。蓋慮此也。

多寡不問。故募而來。來而去。去而無兵。則又復募。府

庫罄竭。道路釋騷。終無實用。此募兵之制未定者四

也。當始發難時。臣嘗有言。急集海上之沙民。可無煩

客兵。衆論相持。事機頓挫。今壯士死于行陣。頑民逸

而從賊。民氣破傷。摧慘已極。乃始欲用鄉兵。散客兵

若守城之事何

此所謂倒行者也。假令客兵已遣。賊衆乘城。鄉兵果

待客兵

可恃乎。鄉兵難恃。未免復徵客兵。不惟緩不及事。且

恐重為客兵所侮。此練兵之制未定者五也。失兵有

營伍則耳目心志定。而約束易行。今雜處市廛。嬉遊
里巷。百貨之所歆豔。侈俗之所侵淫。遂令山東椎鈍。
變爲紕禱。狼苜鄙野。咸習歌舞。精銳銷爽。軍氣不揚。
淫蠱流行。死示枕籍。此屯兵之制未定者六也。古者
行軍動衆。必從枕席上過師。故進能克敵。而退可保
軍。今南方皆沮洳之澤。萑葦之場。俠邪之徑。至於斷
港危橋。單舸片槳。或褰裳而渡。或泅水而遊。動犯兵
家之忌。而諸將乃不謹哨探。不量虛實。行無斥埃。止
無堅壁。往往履危機。墮狡計。落坑阱。而不悟。此行兵

之制未定者七也。師行糧從，強者主戰，弱者主變。此軍制也。今或臨陣而未食，或食至而不均，師行境外而食具，城中設欲晨炊，蓐食捲甲疾趨，何以應之。軍機盡泄，士忿不平，此養兵之制未定者八也。夫軍中之事，有不可定者，機宜變化，因乎敵者也。有不可易者，規畫措置，存乎我者也。故將有專閫，兵有常伍，無事相習，有事相隨，則兵可統也。秩其教令，齊其法制，範我馳驅，是謂三軍之銜轡，則兵可馭也。踐更以示其信，處置以服其心，以諸邊節制之兵爲之準，調到

狼土之兵爲之輔，則兵可調而用也。所募之兵，程其
勇力而籍其家室，守法者厚恤其私，犯令而逃者有
弩戮之禁。至于鰥、曠、遊民，給其田廬，與之配偶，則可
以繫其歸念而兵可募也。以客兵爲權宜，以鄉兵爲
寔用，日省月試，常如賊至，勞來不怠，甘苦必均，則市
人可爲精兵，耰鋤可捷利刃，故兵可練也。有營居，故
兵可聚而不可散，有行列，故兵可散而不可亂，賊所
往來，兵所出入，有斥埃，故兵可進也。有堅壁，故兵可
退也。有戰地，有候人，有謀者，故兵可正可奇，可疑可

伏也。給軍有制，犒士有資，吊死扶傷，恤孤問寡，有典故。兵可飽，可飢，可生，可死也。信能行此入者，而廟算之勝，我先得之矣。夫禦倭之道，來則拒之，去則備之，言戰不及守，非完策也。何者？東南無重門阻隔，無高山瞭望，波濤滉漾，隱見難窺，風帆迅疾，頃刻可至，不能預守，是海壖之險，賊與我共之者也。臣聞賊遠來，人持數日之糧，來達岸多苦飢者，賊之死命，制於數步之內矣。徒以海濱廩藏之富，故賊至而掩據之，因以爲食，既飽則所向無前，乘人不備，如使蓄積收歛。

○之○時○非○之

○當○于○其○初○至○

野無所掠。此賊坐困之道也。故諫守者莫要于城堡。城堡相望。遠近相依。賊少則不能攻城。多則所掠不足。供所食。賊不能持久。破之必矣。夫賊不能宿飽。則不能深入。不能深入。則不能多獲。不能多獲。則來者無利而聞風者不來。內地可不煩兵而守矣。且瀕海皆膏腴美田。宅廣樹蓄。南方所謂樂土也。爲賊蹂踐。民皆遠徙。然其東向思歸之心。豈有日夜忘哉。有城堡。則良民歸。田野闢。蓋非獨禦夷亦安邊足賦之具也。且南方諸縣。地方七八百里。賊至放兵肆劫。一令

終不足以制之。疆理浩穰，禁防疎濶，外爲寇賊巢穴，內爲逋逃淵藪。凡以壤地相隔，聲勢不貫之過也。誠增置縣邑，多設長吏，使分地而守，分民而治，除器練戎，積餉繕堡，無事則休養生息，按堵而居，有事則高城深池，與民共守，足以扼賊衝，輯衆志。此寓將于令，寓兵于民之術也。

南方兵事疏

南方兵事

比者江南之變，起于內地游民，利賊重貨，爲之鄉導。而我兵倉卒無備，徒手搏戰于溝塍沮洳之鄉，故每

出輒敗。夫兵者因地形者也。今六七郡間千村百落，皆爲戰場。敵形至難制也，而郡縣且相率閉城，使各鄉兵當賊左矣。爲今之計，莫若急築城堡于諸鄉，以固守，併力于郡縣，以待戰。郡縣有備，則賊不敢散掠，而謀沮。諸鄉堅守，則兵不必偏分而力裕，人人自爲戰守。小入則其地當之，大入則併兵禦之。中道則設伏擊之，出海則舟師邀之。大功可成，昔皇祖嘗命湯和視海上，擇要地築數十城，以備倭，而東南安堵。此其驗也。又今所患不在無兵，而在于兵之不畏將。

此制度不立軍無紀綱故也

新設軍門止以空文遙制千里外如兒戲耳。故其法莫如重將。重將當自軍門始。使叅佐偏裨一稟于約束。而後兵可使。亂可定也。夫西北諸邊一切軍食皆。有司先期部署。以聽督撫之調度。故其精神聯貫如臂使指。猝有緩急。可咄啐而辦。今政體不素定。而郡縣之與督撫相視如客主。然臨變則上官漫督之。而主者亦漫應之。軍情之苦樂不體。官帑之出入無稽。或一人兼數人之食。或數日無一餐之飽。或一家而數役追之。或一人而數官臨之。是目睫間已成吳越。

况百里之外哉。故欲決勝負。先定政體。凡軍中之需。兩宋張韓諸將出師皆一節度軍轉運使給其餼食。賞功之費。一一會計所出。貯之別藏。使軍門不以煩。此制當行。

有司而有司。不以煩民。上下相體。遠近相維。則萬全術也。臣又聞訓練之兵。萬人一心。弱可使強。強可使馴。今議者率稱調兵非久計也。少發之則不足。多發之則用度不繼。久駐則老師費財。蹙駐則兵散而賊復入。急之則怨。寬之則驕。而為亂。臣愚謂訓練土兵。漸罷客兵。便若土兵必不足。宜募廣西湖。廣山東近海之丁壯。及有罪謫發者。居之海墾。及諸河通海之

地。給配偶。予田宅。使之土著。而忘其鄉。是城堡之外。益以藩籬。計無便此者。臣又聞外賊易見。內賊難知。今以海外蠻夷。而深入內境。凡我之動靜。曲折無不知者。誰爲之也。又其始至。千人四布。無一知者。及鳴號而須臾畢集。賊固善匿。匿之誰也。此東南之大變。皆奸民釀之也。夫治外賊以兵。治內賊以誠。有如今之郡縣。得人如龔遂者。示寬大。布恩信。問疾苦。特拊循。彼反側者。將反本而呼天。何變之能生。且天下寧獨倭夷可爲亂哉。夫海上多壯士。善者負氣任俠。而

不肯下人。否者憑恃險阻。而恣睢暴戾。我能制之。則爲我用。不能制之。則爲賊用。故安反側。收豪傑。乃治亂之機。不可不深思。不可不預待。

經略中原疏

經畧中原

臣惟中原之患。妖民盜賊二者而已。妖黨之興。始自數十年前。妖民假以詐術。誑惑愚民。愚民所利。福田利益。妖民所逐。潤雜淫污而已。人心一蠱。妖說遂行。愚者求福。智者避禍。富者傾家以結納。貧者以身爲奴婢。然未有不與其邪謀者。此一變也。數年以來。民

窮財盡。邑無安居之戶。里無樂業之家。於是妖言盛行。根盤枝蔓。此又一變也。往時山東之寇。不入燕趙。河北之賊。不踰河南。自虜變倭變。後盡徵各省之兵。應援而推埋惡少。亡命逋逃。往往竄入其中。異黨之人。邂逅相覩。一呼響應。此又一變也。中原數省。其人故多輕歿尚氣。彼見各處狂狡相聚。而談其地方虛實。攘臂喋血。遂起逆謀。此又一變也。今群妖羣盜。合爲一途。盜黨藉妖言以惑民。而妖人倚羣盜以劫衆。閃倏無常。不可踪跡。此今日之大患也。故山東西河

南北南北直隸陝西湖廣漸成一黨此の盜の賊の起る所盜賊往來所至

此所の以り不可制也

有主所在成家逐捕之後莫知去向如近日林縣之

賊乍起乍散他處亦有聞風而應者則可驗已故南

倭北虜之患有形而中原之患無形夫無形之患不

可以有形治也要在破散奸謀調護元氣有萬全無

失之策而後可以保萬年無疆之業臣謹條上八策

一屯重兵近者師伍倡亂不急趨省城而睥睨他郡

大爲群盜所笑爲其虛可乘也今宜武一衛屯伍皆

空堂堂鎮城乃專恃游民悍賊不便宜增兵守之二

收梟雋。北方長技。或揮刃成風。或騰空若飛。或巧能
穿楊。或力能超乘。皆自負其能。酣歌慷慨。欲有以用
之。故梟雋不收。則中原多敵。昔漢有材官。蹶張。羽林
孤兒。六郡良家子之號。以錄異材。終得共用。此又長
駕遠馭。弭盜之基本也。三修城池。臣所擒大盜。得其
所記各處城池簿籍。乃知中原保障。莫要于此。一勞
永逸。不可不亟圖。四察險隘。如河南山東直隸之交。
芒陽諸山。遠近排列。營壘天成。其間藏兵之洞。伏兵
之處。成跡具在。真自昔用武之區。而今爲各省之邊。

略。有。司。弃。去。不。守。異。日。必。爲。盜。資。此。當。深。慮。五。時。巡。歷。守。巡。兵。備。以。送。迎。爲。職。業。下。邑。偏。州。車。轍。所。未。嘗。至。於。是。禁。防。日。疎。而。盜。賊。滋。起。臣。願。撫。按。之。官。時。巡。一。省。守。巡。兵。備。時。巡。一。方。以。示。彈。壓。六。選。良。吏。臣。所。獲。諸。盜。不。服。爲。盜。而。詭。曰。救。民。何。者。以。貪。官。毆。之。也。夫。中。牟。之。化。行。則。潁。川。之。盜。息。良。吏。者。聖。明。所。以。共。理。天。下。者。也。故。欲。清。中。原。先。清。吏。治。七。處。宗。藩。臣。言。中。原。事。體。何。與。于。宗。藩。宗。藩。省。城。之。主。省。城。四。方。之。綱。今。湖。南。諸。宗。飢。窮。已。甚。若。使。處。之。得。所。則。子。孫。

千億皆爲皇空藩屏。何憂料盜。八議黃河黃河衝決。其執必興大工。大工興則聚衆必至數萬而中原危矣。故經略中原者當以黃河爲急。論黃河者當以運道省城爲急。論運道省城者當爲謹始慮終之計。而毋爲目前倖免之謀。凡此皆臣愚日夜憂懼不敢以得代爲解而不言者也。

皇明經世文編卷之二百七十三

徐孚遠關公 宋徵璧尚木

華亭

陳子龍臥子 何 剛愨人

選輯

朱 積早服叅閱

楊襄毅公文集

疏

楊 博

查處屯田疏

屯田

臣以庸劣、誤蒙 聖明付以邊撫重寄、任事以來、其
於地方利弊、靡不悉心講求、大要河西事體重且大

者莫過於屯田一事。遂卽案行守巡兵備四道各將境內荒蕪田地通行查出。或上下水利不通。應該挑濬。或人力牛種不敷。應該處給。或從來拋荒未種。應該開墾。逐一諫處明白。每處畫一小圖。貼說其上。陸續送閱。果有父子兄弟相率力田者。卽以姓名開呈。動支官錢買辦羊酒花紅犒賞。惰農自安者。各舉數人。量加懲治。以警其餘。去後節據分巡西寧道副使鍾鑑。先將鎮城迤南荒田開報到臣。如黑河水龍瀾。則有荒田二十餘頃。洞子渠。則有荒田一十三頃。馬

子渠，則有荒田一項。大溝渠，則有荒田四頃。卽鎮城
一畝荒蕪之田。至於如此。其他十五衛所。可槩知矣。
臣卽督同鍾鑑前去各該地方。逐一踏勘。召人承種。
不見有響應者。會集父老問之。咸以爲往年興復屯
田。或種未入土。名已入冊。或人已在逃。糧猶如故。不
知虜至。則不得耕牧。水淤。則不能灌溉。其從來拋荒
之地。雖節奉事例。永不起科。官司一槩追徵。更無分
別。未受富饒之利。先罹剝膚之害。以故寧甘貧窶。不
敢承認。臣惟甘肅地方。與延綏事體大略相同。先年

河東民運皆係本色。後因輸納不便，改本爲折，遂致

二鎮漸次蕭索。延綏守臣無歲不討內帑者。以其計

無所出，不得不仰給也。甘肅苟且支持，未嘗率意陳

特民運更不若勸耕秋

乞者。非守臣之才，過于延綏，以其土地肥饒，猶可耕

牧故也。臣自入境以來，見所至荒田不下萬頃，遂極

力經理，期于少效。乃今備咨輿情，始知其受病源委

全在於催科之不清，而法令廢闕，實由于勸懲之未

至。若不急爲處分，河西生計日就窮蹙，臣恐萬不得

已，又將如延綏之奏討矣。以內帑有限之財，應諸鎮

無厭之請。匪惟該部難於區畫。亦非臣等邊臣體國之忠也。昔漢趙克國。唐郭元振在河西。咸卓然著聲。考其所爲。克國則上屯田便益。以逸待勞。元振則脩通河渠。盡水陸之利。今時雖云異。勢不甚殊。做二臣之意。而不泥于其跡。固亦存乎其人焉耳。如蒙乞勅該部。將原奏各邊拋荒地土。聽其儘力開墾。永不起科。其舊曾起科荒蕪年久。仍要用力開耕。應納子粒。一體蠲免。事例再加申明。行臣遵守。仍聽臣將在城甘州左等五衛并山丹衛高臺所行分巡副使鍾鑑

涼州鎮番永昌莊浪古浪五衛所行分守叅政張璽
肅州衛鎮夷所行兵備副使趙得祐西寧衛行兵備
副使王繼芳各會同副叅遊守等官督同衛所掌印
管屯官員及茲邊警少緩之時將一應荒田查議停
當候明年春暖刻期舉行合用錢糧人工等項并未
盡事宜臣當來調度次第整理各官果能加意區畫
有益地方事完查上勞勩該部一併錄叙怠惰誤事
者其實論劾其衛所官吏知數人等若仍敢將荒田
作弊朦朧起科嚴行拿問從重治罪中間如有應免

于粒亦許從實查免不得徒事虛文庶政有條理人

自樂從臣猶恐諫者必以為永不起科太便小民為

在內地且然死邊方所患專在粟少乎

疑不知損上益下藏富於民實自古經略之長策若

使民果富饒臣欲鹽糧則鹽糧有餘臣欲銀糧則銀

糧有餘臣欲清補節年屯糧則屯糧有餘所謂投之

所向無不如意不然則民方餬口不給邊恤其他萬

今在河西循龍首渠分其水

一虜騎充斥倉廩匱竭河西不幾於坐困乎此臣之

勢關則萬餘頃邊境賴之

所以蚤夜圖維不能已於有言也臣不任懇切覬望

之至

脩築緊要城堡疏

題爲脩築緊要城堡以弭虜患事據分守西寧道右
秦政張璽呈蒙臣案驗依蒙行據監牧鎮番倉秦州
判官甘宗道呈稱公同鎮番衛掌印指揮何淮等親
詣本衛大城周圍閱視查得西城一百沙壅并將應
該添築等事謙估開報前來又據監收涼州廣儲倉
秦州判官袁澗呈稱涼州柔遠驛懷安驛靖邊驛三
堡俱各不堪先年屢議脩理因循未舉查係番虜交
馳之地萬一失守貽患匪輕相應併議等因具呈到

民爲照本鎮地方斗絕羌胡之中。孤懸河湟之外。度勢審時。較之沿邊諸鎮。獨爲難守。而經制長策。大要亦不出于趙克國留兵屯田。部曲相保。塹壘木樵。校聯不絕之數言。蓋以靜制動。以逸待勞。以坐收成算。而區區攻戰之末不與焉。臣以駑劣。以今歲七月之初。始至鎮城。深惟積穀重農第一要務。故亟將屯田事宜。謙擬題請。其次則繕城郭。起塢堠。謹烽燧。良不容緩。乃備行守巡兵備四道。將築鎮城堡墩臺。通行查處。昨因八月九月農工告畢。已將甘州張欽等堡

應添置者、次第添置、應修飾者、次第修飾、事涉瑣細、

此張掖河源之地也

不敢塵瀆、聖聽外、但惟鎮番地方、北出涼州二百

餘里、曠遠寥濶、寔與宣府、獨石、馬營相類、昔人謂於

涼州北境、積中建置城垣、控其衝要、自是寇不敢復

至涼州城下、卽此處也、乃今風沙壅積、幾與城埒、萬

一猾虜突至、因沙乘城、豈惟涼、永坐撤藩籬、寔甘肅

全鎮安危所係、至于涼州、柔遠懷安、靖邊三堡、亦皆

番虜往來出沒之所、垣墻低薄、壕塹淤塞、雖嘗屢議

修築、止緣無人任事、旋議旋罷、今右叅政張璽欲要

於鎮番添築關廂。一則消除沙患城不墮野則沙不荒。一則增置重險并

將修飾柔遠等堡事宜開呈前來。謀之父老咸謂可

行。質之官寮殊無異議。惡當整理。但夫役動調衆多

錢糧經費浩繁。事體頗重。固非臣愚所敢擅舉。如蒙

乞勅該部再加查議。稍待來年春暖。土脉融和。容臣

查照所議刻期舉行。未盡事宜。徑自查處。仍行叅政

張璽涼州副總兵蕭漢往來督視。務期一勞永逸。保

障地方。

議裁冗贅以省濫費疏

免裁將領

臣議得制禦之方、不嫌詳密、興革之際、極當慎重、且如涼莊遊擊一事、卒然議設、卒然議革、若以今日之革爲是、則前日之設爲非、前日之設爲是、則今日之革爲非、理貴會通、不宜懸殊、荷蒙 聖明軫念邊防、下臣再議、河西人士、無不舉手加額、以爲神謀淵慮、明見萬里之外、臣自本年六月十八日渡河而西、周歷涼莊之間、如古浪、黑松、安遠、鎮羌、岔口等處、親見墩堡殘破、耕牧廢弛、行旅震懼、因備詢守巡副叅遊守等官、咸謂此正海套二虜交馳之所、前巡撫都御

史趙錦深知其患，謀添遊兵一枝，誠于地方有益。但彼時倉卒舉事，慮之殊未周詳，處之多未穩妥。舊遊兵往來輪戍，人猶以去親戚，離墳墓爲難。今茲新兵經年在外，不得休息，以故人心厭苦。首倡罷兵之說，此處之未當一也。原議春夏駐劄涼州，秋冬駐劄莊浪，不知涼州已有分守副總兵，莊浪已有分守叅將，又留遊兵在彼，所謂以有用之兵，置之無用之地，處之未當二也。客兵遠戍，全在多方撫綏，行糧旣不以時查給，月糧多被官旗侵隱，且營房未設，棲止無所。

感事興懷，歸思孔切。此處之未當三也。今日之計，補偏救敝，則可因噎廢食，則大不可。譬之塵垢之衣，少加澣濯，自當一新。若四分五裂，未免竟爲長物。所據裁省遊擊，臣實不敢輕議。以臣愚見，莫若將涼莊遊擊免行裁革。照依永昌遊擊事例，移于安遠堡駐劄。東制鎮羌岔口，以達莊浪。西制黑松古浪，以達涼州。無事團聚操練，有警分布截殺。倘遇徵調，城池仍令備禦官軍照舊防守。其遊擊官驛官軍營房，并展修關城等項。臣先是已嘗區畫停當，容臣次第舉行。近

城荒因聽各軍自行開墾。永不起科。仍將遊兵除防
秋時月不諫外。閑暇之時。量爲定立班次。令其取討
衣鞋。以示休息。合用行糧料草。卽于安遠堡設立倉
場。或派給鹽引。或發銀糴買。委官收受。務足支用。應
得月糧。有妻孥在衛者。於本衛關支。無妻孥者。聽分
守西寧道不拘常規。就彼議給。庶人情事體。兩不相
妨。實爲長便。

開陳制禦西夷事宜疏

制禦西夷

照得諸番之中。惟回夷最爲奸狡。而回夷之中。土魯

番尤爲驕悍。經制長策。自古稱難。且如嘉靖二十四年。本不係應貢之期。輒敢踵習故智。擁衆叩關。于時處之一失機宜。遂致流毒滋蔓。不可救藥。至勞 聖明親賜裁斷。方始警服。及今若止爲目前之圖。不求善後之計。臣恐將來河西之患。實自此始。用是廣咨博訪。擇其尤切要者。條爲三事。臣待罪邊陲。目擊時弊。非敢苟爲一身之謀。直以厝薪之火。其憂方大。是以不得不竭其愚慮。如蒙乞勅該部。再加諫擬。如果有補夷情。早爲裁覆。行下遵守。臣愚幸甚。

計開

一定事例以服夷心。臣惟土魯番等地面并哈密入貢伴送等項節年題准事例雖已鮮明緣五年方有一次官更吏改事體茫然以致積年猾吏肆其欺誑反覆辯析極勞頰舌臣近日奉旨謙處夷情遍問官寮俱稱新任舊事不知雖兵守大吏亦不過道聽塗說無所可否不得已乃取收架文卷細加搜閱兵火之餘散漫殘缺止得其槩以意會之僅能終事仰惟朝廷典制炳如日星凡在西民無不拭目快覩矧茲

制禦戎虜之方。關涉特重。似不宜漫無統會。一至于此。合無聽禮部將節年西夷事例。逐一查出。約節成書。刊印二三百本。發下本鎮大小官員。各給一本。今次夷人貢回之日。各地面頭目正使。禮部亦各給與一本。庶幾典章法制。一覽無遺。不惟邊臣有所持循。蠢爾夷裔。自亦不能售其奸矣。

一息刁詐以全國體。臣惟朝廷所以制御臣下者。禮與法也。禮以綱之。刑以維之。失禮則入於刑。國之經也。至於小民之挾制官府。相與奏訴者。雖得其情。猶

爲之全其體貌。投鼠忌器。正所以尊國體也。而况華夷之辨。尤當致慎者乎。臣近日奉旨。謙處夷情。移文肅州兵備。叅將等官。率皆縮頸歛手。不敢片言理論。臣愆其故。乃曰。是夷奸險。某年詰奏某人。已拿問矣。某年詰奏某人。已落職矣。以是不敢。臣不勝忿激。以爲朝廷設置邊臣。專爲制禦戎虜。若人人遠嫌避咎。不知將何賴焉。遂不得已。親爲查審條列。以聞。業已奉有俞旨。無容別議。但方來之事。不可不慮。查得嘉靖十二年。土魯番夷使馬黑麻虎力爛翁等。奏稱太

監陳浩貪黷之狀。節該禮部議得。既不可墮外夷之計。以損國威。亦不可失遠人之心。以招邊釁。又不可縱邊臣之貪。以屈國法。在朝廷當大有處分。方保不害治體。詞嚴義正。可謂深得安攘之要。合無查照該部題奉欽依事理。今後夷人訐奏大小官員不法事情。差官體勘。果係裝誣。卽將夷人重加戒諭。令其曉然知。聖明在上。昭如日月。纖毫刁詐。不容欺弊。如所奏得實。先將夷人督發出關。方許請旨。將有罪人員從重處分。雖置之極典。亦不爲過。庶幾夷心稍戢。

國體充全。而奉法之臣。亦自可以展布矣。

一定供億以絕覬望。臣惟西域賈胡嗜利無厭。雖升

合毫釐無不多方告擾。且如廩糧一事。據肅州衛申

則云進貢該廩給。存留該口糧。甘泉驛申則云正副

使該廩給。存留該口糧。臣細加稽考。如故節年亭體

不一。蓋皆邊臣相與因襲。原無題准定例。臣嘗與守

種日甚多。又不若大虜統于一。首規制易定也。

巡兵備各官虛心計議。咸謂正副使廩給。從人口糧

于理猶為近似。蓋名位有等。供億因之差別故也。又

如存留給軍給驛馬匹。一向相沿。上馬價十二兩。中



馬價十兩。下馬價八兩。斟酌調停。俱已平妥。各夷猶且屢屢告要增添。若無厭足。亦緣原無定例。故彼得以肆其奸爾。臣愚以爲此等事情。跡若輕小。其在夷情。則關涉頗重。不可不爲畫一之政。合無將前項廩糧馬價。聽兵部議擬停當。併入禮部新定事例之內。以後庶幾使於遵行。不致煩擾。

安插屬夷以靖地方疏

屬夷

臣惟書戒蠻夷。猾夏詩稱戎狄。是虜。春秋有道。守在四夷。自古聖王。制御之方。外而不內。疎而不戚。未有

番漢錯居。可以久安長治者也。本鎮甘涼諸衛。遠在全陝之西。極爲孤懸。肅州一衛。又獨在甘涼之西。孤懸特甚。是故全陝之休戚視甘涼。甘涼之安危視肅州。譬之人身。極當霧露之衝。必須元氣完固。多方顧養。庶幾可保無虞。若內先虛弱。邪氣乘之。鮮有不速其斃者。先年兵部題奉欽依帖木哥土巴等部落安插高臺白城山一帶。總牙曰羔刺等部落安插肅州威虜金塔寺一帶。向因威虜等城堡殘破。各番盡移肅州寄住。以致郊關之外。蜂屯蟻聚。不可勝數。指大

皇明經世編

楊襄毅疏

屬夷

主

平露堂

此係平涼屬夷爲上係番所逼故入居內地

如股。賓多於主。睚眦之忿。動見戕殺。男女之風。因而淆亂。肅人有言。不但生畜爲番人夥養。雖子女亦暫爲番人鞠育。番人有言。若等所住者。我等地方。有時見索。必須還我。卽此二種議論。臣愚臥不帖席。食不甘味。尚敢重惜一身之利害。而漫不爲之計念哉。仰蒙 聖明在上。嘉納本兵之議。俯從言官之請。申飭臣愚。相度邊隘。次第修飭。臣惟肅州番夷之事。害已剝膚。自今處之。猶或可及。用是咨於總督尚書王以旂。王以旂力主其議。謀于總兵官王繼祖。王繼祖意

亦克合。檄於副使王儀叅將劉勳。王儀劉勳身任其事。會集番達頭目總牙等再三曉諭。以爲爾等散處於茲。終非經久之計。今當遵照題准事宜。爲爾修築城堡。以安爾居。開濬渠壩。以便爾耕。處給種糧。錫鑊。以卹爾窮。各番欣然承諾。更無異詞。以故悉乘艸枯馬弱之時。結營境外。次第興工。計自本年三月十五日起。五月初五日止。共修過城堡七座。墩臺一十二座。安插過各族番達帳房七百六頂。男婦三千四百五十四名口。近者離邊二三百里。遠者四五百里。履

不獨清我華夏亦且壯我藩籬

臚之氣。爲之一清。文明之化。居然四達。以臣初時。愚慮。止欲漸次撫逐。尚不敢覬望至此。此實 皇上文武聖神。剛健中正。威振遐荒之所致也。邊民幸甚。臣等幸甚。

極邊添兵修城疏

極邊修城

看得駐守昌平都御史王翰。咨稱鎮邊長峪橫嶺三城。委爲虜衝。先年因山爲城。添軍戍守。形成鼎足勢。張犄角。于時全賴宣府兵精馬健。保障於外。雖屢經虜犯。固未有如嘉靖二十九年之甚者。因往懲來。今

日防禦之急莫過三城先後施爲之序鎮邊爲要蓋
鎮邊揔會諸口在西北內則熊兒峪牛膝峪西北衍
外則柳樹窪唐兒庵白崖子一路通懷來水頭村大
山口一路通舊保安畫庄松棚井溝人馬可以馳驟
牛車徑至半山卽如今年三月虜犯宣府馬廠距唐
兒庵僅八十里若使鎮邊軍馬充實先據邊山要害
則聲勢易振扞拒之力可施譬之築隄障水于水勢
始發之上流而遏之則水勢易殺橫決之患可消若
俟其就下泛濫狂瀾已成人力難勝堤壩徒設今之

所以處鎮邊者。非徒為擁兵株守。蓋為畿輔生靈之計。反覆辨析。俱已詳盡。臣竊惟防邊之政。莫先於審時。尤莫先於度勢。以今觀於宣府之時。旱荒相仍。人不聊生。以今觀于宣府之勢。屢經挫衄。士氣消沮。各雖居庸藩籬。苦不足恃。要之與山西事體頗類。比年以來。山西宴然無事者。非大同能為捍蔽。迺山西自為之計。故爾所據鎮邊長峪橫嶺三城。北護陵寢。南拱京師。虜既嘗由此而出。虜必能由此而入。比之山西。尤為不同。似不宜藉口宣府。因襲故常。重誤大計。

此言山西自築城垣守禦與東涇之論稍異

臣謹將王翰原議摘其節要，悉心叅酌，條爲四事，如蒙勅下兵部，速議覆請，備行王翰督同副使許天倫及時整飭，臣無任懇切覬望之至。

計開

一議設叅將。臣查得居庸關原係分守職在守關，時不可離。近因建議分區，改爲叅將兼理白羊鎮邊等城道里逶迤，居常難于周歷，山溪隔越，遇警不能卒至。况虜所窺伺，專在鎮邊，遡其要害，誠不減於古北諸口，必須於鎮邊城專設將官，緩急方克有濟。合無

添設叅將一員。住劄鎮邊城。以橫嶺白羊二守備。長峪鎮邊二把總隸之。名曰分守鎮邊等處叅將。合用軍士除原額五百一十名。及巡關衙門近議召募四百九十名外。仍聽副使許天倫。公同新設叅將。再召土著民餘。務足三千名。每名該衣鞋銀五兩。共該銀一萬兩。戶部照例給發。此處止宜多設步軍。少設馬軍。兵部於寄養馬內量發五百匹。以備傳報哨探之用。各軍盔甲器械。工部陸續查給。至于叅將公廨。軍士營房。并未盡事宜。悉聽王輪次第區處。其居庸關

此係山險故利步也

照舊復爲分守、止管遺下中南北三路、各關隘地方、東與黃花鎮叅將門家峪接界、西與鎮邊城叅將白羊口接界、見任叅將王臣、暫管分守事務、候王臣陞遷去任、止補分守、不必再設叅將、

一、議修山城、臣查得鎮邊旣設叅將、兵馬衆多、舊城委不能容、必須稍加展拓、難以憚勞、惜費、行據委官經歷蘇時通等、勘稱、欲將鎮邊城北自高山頂起、接修正城一百丈、根濶一丈五尺、收頂一丈、高連塚口二丈、東山修稍城一百二十三丈、西山修稍城一百

一十五丈俱因山砌石高連埽口一丈二尺仍于東
山西山各頂據險各築窟窿敵臺一座以便擊拒其
城中穿流水門改修月形夾牆連城以順水勢合用
錢糧人夫口糧塩菜俱於收貯支剩修邊銀內動支
修工尺寸隨地改移支給錢糧因工加減俱照修邊
事例施行臣叅酌無異俱應如擬合無備行王輪嚴
督新設叅將上緊修築此工完日然後將長峪城東
北家口高崖口各起工程從宜修舉鎮邊橫嶺仍動
前銀先開井泉二三十處以便汲爨通完之日備將

此營城要務

用過官銀。修過工程。造冊奏繳。

一議給月糧。臣查得鎮邊長峪橫嶺三城。俱在萬山之中。地雜沙石。不堪播種。鎮邊橫嶺。且乏水泉。以此軍不樂居。逃移接踵。必須處之得所。方能聯屬人心。合無除白羊口官軍月糧如常支給外。其三城官軍月糧。俱許常支本色馬匹支全料草。著爲定規。不宜輕易變更。庶幾目前人肯應募。日後事可經久。

一議調邊兵。臣查得前項設將添兵之議。雖已周悉。誠恐防秋在近。一時不能就緒。萬一醜虜突至。勢孤

兵寡未免仍致悞事。合無行令提督時陳將調到邊
兵揀選二枝駐劄隣近地方。果有警報分發鎮邊長
峪橫嶺三城與遊擊徐麟兵馬相兼戰守。一面先令
領兵官員各詣屯兵山口逐一相度要見何處可守
何處可戰。必須方略預有定畫。臨事方免錯謬。

經略潮河川地方疏

潮河川

臣會同總督軍務侍郎何棟巡撫都御史吳嘉會議
得古北口潮河川外通興州內連密雲實殘元避暑
故道。嘉靖二十九年虜自黃榆溝擁衆突入塞川南

即庚戌之事

下。遂致驛騷。畿輔。振動郊圻。雖嘗分兵道出高崖。大
勢營帳。仍由黃榆北歸。則知潮河川者。實醜虜入寇
之第一門戶也。往年都御史洪鍾。欲于川內建城屯
兵。據其要害。以故不惜勞費。鑿山引河。功未及成。人
共惜之。今臣親至開山口。再三相度。原來地高水低。
縱使可通。無濟于事。又至近日新修黃榆溝一帶邊
牆。見其堅完高厚。女牆敵臺。表裡周匝。有兵拒守。虜
自不能飛度。但牆外尚有平漫去處。逐漸挑挖。地低
一尺。牆當更高一尺。是在邊臣隨宜處置。無庸別議。

此城。漢相。輔之。

又踰河至潮河川。周迴顧視。黃榆溝邊牆。包乎川之外。即今何棟吳嘉會所修新牆。是已。開山口節年邊牆。反在川之內。即洪鍾鑿山故處。是已。二牆夾峙。勢如雙屏。萬一賊衆潰牆。勢必落川。再無別道。川面雖有浮沙。不甚厥漫。是誠我兵之戰地也。過此則爲石匣。爲密雲。平原曠野。萬馬可馳。我兵欲戰不能。欲守不得矣。臣今議於川內。創築小石城六座。每城內各築一墩。自北而南。三城儼如棋布。自南而北。三城宛如星羅。臨期酌量賊勢。分屯勁兵。令其可隱可見。可

能人矣

六城三築綠水羅布使矢石相及皆不

避可擊。又謀於川之西山野豬嶺墩起。至豬嘴寨河口墩。迤北石崖止。剗修橫城一道。伐其占據山梁之謀。又謀將東邊護城關不堪舊牆。通行拆修。添築敵臺三座。以爲六城聲援之計。惟恐窒礙。難以經久。備行兵備副使李蓁。勘報無異。大抵大事可成。則小費不足計。况所費不多。遠效可圖。則近怨不足恤。况無從興怨。似當修舉無疑。如蒙乞勅兵部再加議擬。如果相應。備行都御史吳嘉會。摠兵成勳。副使李蓁。嚴督叅將周益昌。坐委守備高輅。經歷康思道。千戶李

景時張守爵、動支官庫見貯民夫銀兩、分發鄰近州縣、顧募夫匠、相兼本區夫匠、併力修築、工完回奏、

議築簡便墩城疏

墩城

臣惟腹裡城堡、固當爲堂室之圖、沿邊牆塹、尤當先門戶之計、於是不避艱險、周歷諸隘、以次經略、除一切軍務事宜、各另具題外、復念蠢茲醜虜、擁衆遠來、其志原在搶掠、不遂其欲、不能但已、必然極力攻墻、萬一我兵力竭、一處不支、別墻盡屬無用、如嘉靖二十九年、旣過黃榆溝、潮河川、突入密雲懷柔一帶、但

有城堡去處苦不來攻。至于散居村落。任其殺擄。如
入無人之境。事後雖嘗分遣僉事張鐸等修築城堡。
於時倉卒舉事。計處未周。總合數村。築一空堡。有相
去十餘里者。甚至有二三十里者。堡內既無井泉。理
難持久。窮民各有家緣。豈肯輕棄。虜未至而先行收
斂。妨廢不貲。虜已至而方行收斂。緩不及事。臣往年
巡撫甘肅之時。嘗創爲墩城之法。卽如五七家之村。
令其近村合力築一小城。周圍止二十八丈。底闊一
丈二尺。高連堞口二丈。收頂七尺。於中各築一墩。每

今北邊心民業積以防盜爲亦詳此

座周圍八丈。高連堞口二丈五尺。寶臺上蓋房一層。架樓一層。最上蓋天棚一層。此外更有欄馬墻壕二道。近墩又有漫道。將至墩門懸置板橋。防賊循道而上。大村則令其左右夾峙。各築二墩。或四墩六墩。蓋守禦之方。大則爲城。其次則爲堡。城非萬金不能成。堡非千金不能成。惟此墩城。通計不過百金。爲費甚少。隨處可築。大城必須數千人。堡須千人。方能拒守。惟此墩城。十數人可以守。虜少則勢力單弱。料彼不能攻。空虜多則人馬稠密。懼我乘高擊打。縱使攻破。

此法不特拒守兼之烽火則密。

一墩必先自傷數十百人所得不足以償其所失虜必不肯爲之况我之墩城隨在皆設虜勢雖重豈能一一攻之不煩收保之勞坐收障蔽之益此之謂家

自爲守且賊既入邊勢必散捨若各城之中分置步

不獨可以燕人止他地也形高下錯雜虜騎不能以

兵與土人相兼按伏俟有零騎到墩邀而擊之自然

大休馳驟矣

可以成功此之謂人自爲戰先年大舉達虜嘗犯涼

州彼時墩城告完臣適在彼調度既無毫毛疎失且

有斬獲微功是乃明效大驗臣今奉命月餘所過州

縣見其間里蕭條財匱民勞以故不敢輕率建議徐

而思之。利害有輕重。關係有大小。土木之害。較之搶殺爲小。殘破之患。比之勞費爲大。若使得人綜理。激勸有方。是雖不可慮始之民。亦當翕然感動。近日民間苦虜侵暴。亦有自爲之者。但與臣之規制少異。一二豪強之徒。又爲其私策。因而挾制。臣切痛之。如蒙乞勅兵部計議。如果相應。容臣畫一圖式。責成都御史吳嘉會。艾希淳。王輪。督同兵備及府州縣等官。將薊保二鎮地方。審時度勢。不限以時。不拘以地。勸民以次修築。不宜過於嚴急。反致騷動。沿邊去處。就行

總兵徐珏成勲張琮一體整理中間或有土脉疎濇不堪修築必須多用磚石包砌以圖經久難以惜費其昌平懷柔順義密雲三平谷曾經被虜州縣仍乞不爲常例量發官銀三四萬兩如內帑不便或于真順等府解到民夫銀內准其如數動支聽吳嘉會王輪審其人力果有十分不能自處者量爲補助以仰副我 皇上日勤宵旰愛護元元之意然此雖有小費果得民命曲全比之調發客兵日費千金無益有損者萬萬不侔臣無任懇切覲望之至

兵馬凋殘不堪疏

兵馬

該鎮守薊州永平山海等處地方總兵官右軍都督
府都督同知成勳鎮守昌平居庸等處地方副總兵
官署都指揮僉事張琮各將所管軍馬數目開報到

臣案查先該臣巡視昌平薊鎮督同本部署郎中張

重等閱得兵馬狼籍已經備行各官要見總副叅遊

不在行開未必得實耳

等官下原額軍士若干逃亾事故若干見在若干馬
軍堪戰若干不堪若干步軍堪守若干不堪若干馬
匹原額若干倒死若干見在若干堪以騎征若干不

堪騎征若干，從實開報去後，今該前因臣惟邊防之要，莫先於兵，尤莫先于馬。必須兵精馬健，以守方固。以戰方克。自古談兵之家，曰兵不貴多而貴于精。又曰軍政莫急于馬，薊鎮昌平分屯列戍，軍雖不下六七萬人，類多老弱庸懦，不堪戰守，馬雖不下二三十萬匹，類多羸瘠瘡癩，不耐驅馳。往年所禦止是三衛屬夷，且猶兵勢蕭索。今所禦者，強橫之北虜矣。往來禦虜止是秋高月朗，且猶分布不周。今無論春夏秋冬，盡防範矣。當此時危勢迫之難，宜爲易轍改絃之計。

大抵邊臣之意皆為本處兵馬削弱必須多調勁兵
合主兵而恃征調所以在此處動處處在
以為應援以臣之愚似當以練主兵為根本以調客

○虛○也○

兵為權宜况客兵之來也間閭騷擾雞犬不寧未收

保禦之功先罹憑陵之患民謠滿耳邊兵可常調乎

又為連年修邊步軍苦於版築馬軍苦於架梁無暇

揀練即如各枝遊兵未嘗架梁而身無寸鉄手不執

弓食糧則有名臨警則無實驕惰至此主兵果可恃

乎又為缺馬騎征仍欲仰給太僕臣謂且宜將見在

之馬悉心喂養若多發官馬不能愛惜未免盡為溝

中之瘠，馬果可再發乎。至于包辦役占百弊紛然，所當究詰。臣惟今日之勢，不在于增兵，而在于練兵。不在于增馬，而在于養馬。增兵增馬者，邊政之文也。徒費芻糧，練兵養馬者，邊政之實也。有裨捍禦，臣周歷地方，見之甚真，不忍緘默，伏望 皇上俯念虜患猖獗，邊備廢弛，今後該鎮奏募新兵，奏討官馬，勅下兵部，且不宜輕易議給。速行總督鎮巡等官，先將各區軍馬協心整飭，逃故者作何處補，老弱者作何沙汰，見在者作何操練，馬匹作何喂養，役占包辦者作何

清查務期軍馬充盈姦弊剷除以爲地方深長之計。事完備將練過人馬革過弊端分別處分徑自回奏。

議處地方事宜疏

戊守廣昌

會勘得內通外達有磁窯口、林關口、唐山口、直峪口、紅沙坡口、石門峪口、大檀口、北口、柳河口、九官口、永寧口、松子口、三澗口、共十三口、俱係沿邊緊要一帶口分。磁窯口內有銀鏟驛馬嶺、石門峪口內有鎗頭嶺、北口內有黑石嶺、四口雖係內口亦爲要害。其黑嶺止設把總官一員、軍一百三十名、林關等七口、各

軍八名、永寧三澗口、各軍五名、唐山大檀口各軍三名、磁窯紅沙口無軍、嘉靖十九年虜賊大舉擁衆深入、屢犯靈丘、廣昌縣等處地方、俱因前項隘口守把軍士單弱、雖恃天險、軍少不敷、把截前項口分似

應就近添撥軍士、以資控扼、及查得廣昌縣南通紫是將北剪、屢寇宜大、故一關不防、重險今奴窺二城亦荆倒馬二關、北入宣府、大同二鎮、欲戒嚴於兩關、當須防此西、可以關并中、東可以入、餘輔故為要區也致謹於此地、况廣昌攝於二者之間、誠重地也、夫地

重則事權當重、合無於廣昌城革去守備、添設叅將一員、添添兵馬三千、合為一營、專事操練、適中調度

一遇有警。隨賊向往。相機堵截。外峙諸口。而爲宜大
內蔽。內連兩關。而爲畿輔外捍。庶重關設險。而內外
無虞。將領得人。而緩急有濟。及准倒馬關叅將馮登
手本。議報相同緣由。各到道。又蒙巡撫保定等府地
方兼提督紫荆等關都察院右僉都御史艾希淳巡
按直隸監察御史馬三才蔡揚金黃季瑞案驗俱爲
諫處地方事宜。以裨戎務事。該巡按直隸監察御史
楊選題前事。內一款。執要害以添防守。夫禦虜者先
貴於自防。當關者尤貴于擇要。故守得其要。則用力

寡而成功多矣。竊聞宣大二鎮。乃西關諸隘之藩籬。而迤南北口石門一帶。又紫荆倒馬之門戶。虜之入寇。若過宣大地方。未有不由北口石門銀鏃直峪等四處。而能越犯紫荆等兩關者也。且北口石門等處。崇岡峻嶺。疊嶂層巒。一夫能守。百夫莫當。比之紫荆倒馬等處。更岨險可據。夫既爲通虜之要途。又有可據之山險。且路止四處。兵力不分。則前項隘口。豈非紫荆倒馬之咽喉。而出關拒寇之重地哉。乃聞防秋之際。前項隘口。兵不過數十人。惟黑石嶺設有官兵。

亦不過於百員名。究其所以。蓋由前項隘口俱屬之
蔚州廣昌等州縣。在宣大則以大邊爲重。而不及屯
兵。此地以爲畿內之外藩。在直隸則以本關爲重。而
不能越境行師。以增畿地之勞費。至于廣昌原設守
備。亦因而移之外邊戍守。本城事務。翻令他官代攝。
夫宣大紫荆。勢若唇齒。北口石門。要若紐樞。重大邊
與本關。而故輕此紐樞之地。臣愚以爲舛也。查得舊
年廣昌鄉夫。于大賢等二千九百餘名。奏下兵部。願
收月糧効力防守地方。人數見在。而廣昌守備城操。

官軍止三百餘名。若合而爲一。足彀一枝兵力。臣愚以爲在宣大舍大邊而退保此地。固非也。在直隸舍本關而出保此地。亦非也。合無於防秋之日。令兩鎮及山西各量移兵數百於此。協力防守。或卽將廣昌守備。改爲叅將。而以鄉夫千大賢等二千九百餘名。并見操官軍三百餘名。屬之操備。免其他方調遣。專以守禦本城。控扼諸關。若虜犯蔚州廣靈等處。許其相機截殺。則旣可以爲宣大之內援。又可以爲兩關之外蔽。就使虜騎能犯宣大。必不能越犯兩關。此亦

守要之一端也。伏乞 聖裁。該本部覆議前件。臣等
看得禦戎貴先據險。守土尤重得人。地利得而武備
修。防禦斯有賴矣。所據宣大二鎮。原與紫荊倒馬諸
關。相爲表裡。宣大有警。則紫荊倒馬之捍禦。在所當
急。今御史楊選題稱。若賊過宣大地方。必由北口石
門銀鍍直峪四處。而後能犯紫荊等關。且前項隘口
險要易守。實爲咽喉重地。而無兵防禦。要將兩鎮及
山西各量移兵數百協守。或將廣昌守備改爲叅將
而以原設鄉夫。并見操官軍統領專守本城。控扼諸

關誠得設兵守要之術，但增兵改將，事體頗重。前項地方未經查勘，遽難議擬。合候命下移咨宣大山西保定各鎮督撫等官會差守巡兵備風力官員親詣查勘，要見北口石門銀鏊直峪四處隘口，是否險要，爲虜賊必由之路。四口之外，有無路可通，及改設參將，增添兵夫，移兵協守，事體有無相應，果否經久，可賴作速查議明白，具奏前來，以憑覆議定奪。伏乞聖裁等因，覆題奉 聖旨准議。欽此。欽遵。俱案行本道會議通呈施行等因。蒙此節經備行保定府同知

馮友會同倒馬關叅將馮登親詣彼中查勘議報去後。今該前因爲照建事貴於審時。屯兵先于扼要。故制禦得法。則爲力易而功倍。而相機設備。亦兵家所不能違也。我國家建極京師。北鄰虜境外設宣大二鎮。內置紫荊諸關。凜若重圍。勢成捍蔽。使其外治周詳。藩籬森密。則諸關有所倚藉。前項廣昌保安本爲二鎮之內地。其勢在所緩也。頻年以來。虜患日棘。備禦日疎。小犯則小入。大犯則大入。每歲不下數次。卽如去年八月虜酋大同三犯靈丘以南。稍進則爲浮

圖峪揷箭嶺地方。今年三月虜由宣府越犯灰窯兒黃土嶺等處。少進則爲沿河馬水口地方。而浮圖峪揷箭嶺馬水口乃關東西門戶。山勢綿亘。隘口厥漫。設官屯軍。備非不密。終恐虜勢重大。避實擊虛。地里廣遠。未免分兵列戍。力格志難。一不能支。將至悞事。保安廣昌。譬則兩關咽喉。扼吭而治。爲力必易。故先年防秋。兵部調兩鎮中南路叅將各領兵移駐其地。制險控要。蓋不待今日而始議及也。或者以略外詳內爲詞。而虞兩鎮有舍己爲人之疑。不知兩關有備。

畿甸靖安。重兵內屯。聲勢張大。將來虜必不敢深入。

兩鎮諸營。專事外禦。亦可以免內顧之慮矣。但虜至

山西兵素弱而寧武反在外敵也

保安。每折而西。必犯蔚州地方。故廣昌之備尤為至

急。矧因守備而為泰將。不煩於添官。聚鄉夫而為戍

卒。無費于召募。雖錢糧馬匹器械等項。少有增置。圖

大忘小。且計兩鎮之逃亡卒伍。不知其幾。扣減之數

移以處之。當裕如也。所據同知馮友等前項勘議俱

已明悉。似應俯從。及查廣昌生員劉金等揭稱掣回

浮圖峪軍。今議該所改為泰將營。言亦有理。但自正

統年間移駐本峪久各相安。憚于改易，矧止一百三員名，數亦不多，合行照舊，無致動搖人心。反生咨怨等因。行准巡撫保定等府地方兼提督紫荊等關都察院右僉都御史艾希淳咨稱：若守廣昌則紫荊倒馬二關有所障蔽。門戶堂室，緩急甚明。所據該道議處前因，俱已周悉。但本院職專提督，跡涉利已，合咨前去煩爲裁酌。施行等因。到臣案查前事已經咨議去後，今准前因，臣惟重關疊嶂，經制不嫌嚴密。地利人和，區畫均當詳慎。既有大同藩籬，紫荊倒馬若無

事於守者。廼今建將陳兵。日增月益。正猶遼東在外。

計人論守險者不守其險之險而必守于險之外此守大之過而三關自安之說也然燕趙重地安可得而不深

山海關不得不守。宣府在外。居庸關不得不守。然于

為萬全之計乎

所守之中。又有得其肯綮。未得肯綮之處。即如廣昌者。固其一也。廣昌南直紫荊。倒馬二關。北接大同。宣

府二鎮。誠為咽喉重地。所據添設。泰將一事。度勢審

時。實不容緩。御史楊選謂在宣大。則以大邊為重。不

及屯兵此地。以為畿內之外藩。在直隸。則以本關為

重。不能越境行師。以增畿地之勞費。兵備副使畢竟

容。謂因守備而為泰將。不煩於添官。聚鄉夫而為戍

卒。無費於召募。雖錢糧兵馬器械等項。少有增置。計兩鎮逃亾卒伍之糧。移以處之。自當裕如。同知馮友。叅將馮登。若謂設叅將居中調度。外恃諸口。可爲宣大內蔽。內連兩關。可爲畿輔外捍。所論俱已詳盡。但御史楊選原議。雖該兵部題奉。欽依備行。各鎮會勘。彼此利害不同。甲乙可否自異。文移往返。決無可成之期。臣近由紫荆出浮圖峪。親歷廣昌地方。周爰咨詢。始能盡得其詳。用是采之輿情。叅之已見。條爲六事。如蒙乞勅兵部計議。如果臣言與楊選所言事體。

相應將廣昌泰將早爲改設，款內事宜一併議擬。其廣昌調守浮圖峪官軍一百三員名，歷年既久，安土重遷，難以輕易掣回，止應照舊命下之日，仍行同知馮友泰將馮登前去廣昌會同新設泰將逐一經理。事完回任，中間如有應處未盡者，聽被處總督鎮巡官以次從長區處，務期經久可行，不爲文具。

議修要害嚴防守以固邊疆疏

添設兵將

議得籌邊者貴審乎時，設險者當因其勢。假使宣大之間，兵馬精強，力能拒虜，紫荆倒馬，真爲堂奧，何足

深慮今則非其時矣。所幸天險具在，人力可爲，振迅之頃，自當改觀易聽。若仍復因循玩愒，虜得擁衆入關，關南之人不免魚肉，臣等杞人之憂，無任惓惓。蓋嘗通論四關之險，則龍泉爲上，倒馬次之，紫荊故關又次之，通論四關之勢，則紫荊爲急，倒馬次之。故關龍泉又次之，獨論紫荊倒馬之勢，紫荊雖負山臨河，不足以據一關之樞，西則白石口極爲平漫，堪馳十輛，東則馬水口外臨廣谷，內無完城，且相去紫荊三四百里，倉卒有警，秦將應援不及，倒馬則落路吳王

二口均當要害。又切近茨溝等村。臣等大物所稱問之監。所憂者不在

紫荆正關而在馬水白石不在倒馬正關而在落路

吳王以故泰酌副使畢竟容之議於馬水谷則議添

泰將。白馬茨溝則議添守備非敢故為多事之擾念

惟虜患孔棘苟不大為整飭害已剝膚必貽後時之

悔至于修築之工召募之役揆之人情事勢又皆決

不容已。但內帑之積貯有限畿甸之膏脂已竭通計

各項所費殊為不貲。反覆籌度計無所出轉盼秋深

憂惶特甚。如蒙勅下戶兵二部會同計議速發銀五

萬兩專備募軍等項支用再容臣等於薊州營房銀
內借支三萬兩或發通倉米三萬石專備修邊等項
支用用過薊銀候秋成之日照數補還一應工程坐
委副使畢竟容未徵各照分管地方督理其餘款內
事宜仍乞 聖明早賜裁允地方幸甚

皇明經世文編卷之 終